

## 09.03 PROFIL

---

### **Claudia e Giusep Columberg-Leder: Il davos «Cordon bleu» en La Furca a Mustér**

*Bunamain 13 onns han Claudia e Giusep Columberg manà l'Hotel Restaurant La Furca a Mustér. Il glindesdi da Tschuncaisma è questa èra ida a fin.*



La finala è tut i fitg spert. Bun in mez onn suenter avoir scrit ora da vender l'entir manaschi pon Claudia e Giusep Columberg uss gia surdar La Furca en ils mauns d'ina famiglia gastronom. Il prender cumià da l'Hotel Restaurant La Furca è collià cun bleras e grondas emoziuns. La Furca è stà durant passa in decenni il dachasa da Giusep e Claudia ch'han manà sur tut quels onns il manaschi cun corp ed olma. Il cuschinar è adina stà la gronda passiu da Giusep u il Pepi u il Jumbo sco quai che bliers numnan el. Suenter ses emprendis-sadi da cuschinier ha el dentant per plirs onns mess la palutta e la chazzetta dad in maun e lavurà tar ina firma da bajegiar, quai sco camiunist e lura sco disponent. Cun sa gidar cun sia dunna Claudia che manava quels onns ensemen cun sia cusrina il campadi Fontanivas a Mustér ha Giusep puspè chattar l'amur per la cuschinar. E cun tschertgar il 2009 in'abitaziun a Mustér hajan els la finala gist cumprà in entir hotel, l'Hotel Restaurant La Furca.

*Redacziun: Andreas Wieland*